


地 732.2
7682
=2



茅

山

志

竹西徐穆署

二

茅山志卷之三目錄

笱蟾光審編

陶隱居解官表

隱居與武帝論書表

凡五則

隱居進氏宮通記啟

呂靜先生表奏

凡十一則

鮑慎辭進茅山元符觀頌

冲隱先生遺表碑

二通

謝灑掃人戶表

茅山志

卷之三

目錄

乞封五真人奏劄

乞封三茅真君奏劄

武仙童與朱觀妙書

華陽隱居授門弟子陸敬游十賚文

陶真人請雨墨詞

上隱居書

沈約

謝隱居賚术煎啟

庾肩吾

理宗金籙投龍玉簡詞

金籙齋詞

遼王與陳德星

凡一則

憲宗祭三茅真君文

神宗金錄齋詞

神宗爲伏魔大帝建醮詞

神宗三辛懺醮詞

字撫軍祈雨告文

謝雨祭文

天聖皇太后受上清錄記

嘉定皇后受錄記

茅山志

卷之三 目錄

二

宋賜東天寧院焚修贍道田土勅

部劄開設靈官鄧自名衙門文

宋欽賜西天寧院田畝勅

元符宮傳壇諸寶

雜錄

應天府句容縣爲申明舊例事

延祐四年

特賜玉印劔還山省劄

欽賜崇禧萬壽宮焚修田畝疏

茅山志卷之三

鬱峒真隱笄蟾光審編

陶隱居解官表

臣聞堯風冲天頽陽振飲河之談漢德括地高陰峻餐
芝之氣臣棲遲早日簪帶久年仕豈留榮學非待祿恒
思縣纓象闕孤耕壟下席月澗門橫琴雲際始奉中息
得遂邱壑今便滅影桂庭神交松友一出東關故鄉就
望睠言與念臨波瀉淚臣舟棹已過無緣躬詣不任攀
戀之誠謹奉表以聞

茅山志

卷之三

隱居與武帝論書表

奉旨左右中書復稍有能者惟周喜贊夫以含心之芟
實伺夾鍾吐氣今既自上體妙爲下理用成工每惟申
鍾王論於天下進藝方興所恨臣沉朽不能鑽仰高深
自懷歎慕前奉神筆三紙并金爲五非但字字注目乃
畫畫抽心日覺勁媚轉不可說以酬昔歲不復相類正
此卽爲楷何復多尋鍾王臣心本自敬重今者彌增愛
服俯仰悅豫不能不以啓適伏蒙二卷伏覽標帖皆如
聖旨既不顯垂允少留不能久停已就摹索者一段未

畢不赴今信紙卷先已經有兼多他雜無所復取亦請
伺俱了日奉送兼此諸書是篇章體臣今不辯復得修
習惟願細書如樂毅論太師箴例依倣以寫經傳永存
冥題中精要而已

樂毅論愚心近甚疑是摹而不敢輕言今旨以爲非真
竊自信頗涉有悟箴贊過爲淪弱許靜素段遂蒙永給
仰銘矜獎益無以喻如此書雖不在法例而致用理均
背間細楷兼復兩玩先於都遇得飛白一卷云是逸少
好蹟臣不嘗別見無以能辨惟覺勢力驚絕謹以上呈

茅山志

卷之三

二

於臣非用脫可克閣願仍以奉上臣昔於馬澄處見逸
少正書目錄一卷澄云右軍勸進洛神賦諸書十餘首
皆作今體唯悉就章二篇古法緊細近脫憶此語當是
零落已不復存澄又云帖註出裝者皆擬資諸王及朝
士臣近見三卷首帖亦謂已久分本不敢識此正復希
於三卷中一二條更得預出裝之例耳天旨遂復頓給
先卷下情益用悚息近初見卷題云二十三已欣其
多今者賜書第至二百七十惋訝無已天府如海非一
餅所汲良用息心前後都已蒙見大小五卷於野拙之

分實以過幸若非殊恩豈可觖望愚固本博涉而不能
精昔患無書可看乃願作主書史晚愛隸法又羨典掌
之人嘗言人生數紀之內識解不能周流天壤區區唯
克恣五慾實可愧耻每以爲得作才鬼亦當勝於頑仙
至今猶然始欲翻之自无射以後國政方殷山心歉默
不敢復以虛閒塵觸謹於此題事遂成煩黷伏願聖慈
照錄誠慊

第一卷中有雜蹟謹疏注一別恐未允愚衷并竊所摹
者亦以上呈近十餘日精慮悚悸無益涉事遂至淹替

茅山志

卷之三

不宜復待填畢餘條並非用唯叔夜威輦二篇是經書
體式追以單郭爲恨伏按卷上第數甚爲不少前旨唯
有四卷此似是宋元嘉中撰集當由自後多致散失逸
少有名之迹不過數首黃庭勸進像贊洛神此等不審
猶得存者

伏覽書前意雖止二六而規矩必周後書不出二百亦
褒貶大備一言以蔽便書情極頓使元常老骨更蒙榮
造子敬懦肌不沉泉夜唯逸少得進退其間則玉科顯
然可觀若非聖證品析恐愛附近習之風永遂淪迷矣

伯英既稱草聖元常亦自隸絕論旨所謂殆同一機神
寶曠世莫繼斯理既明諸画虎之徒當日就輟筆反古
歸真方弘盛世愚管見預聞喜備無屈比世皆尚子敬
元常繼以齊代名寔脫畧海內非唯不復知有元常於
逸少亦然非排棄所可黜涅而不緇不過數族今奉此
論自舞自跳未足逞泄願以所摹竊示洪遠思曠此二
人皆是均思者必當贊仰踴躍有盈半之益臣與洪遠
雖不相識從子翊以學往來因之有會但既在閣恐或
已應聞知摹者所裝字大小不堪均調郭看乃尚可恐

茅山志

卷之三

四

筆意大殊此篇方傳千載故宜令跡隨矣所奉三紙伏
循字跡大覺勁密竊恐既以言發意意則應言而心隨
意運手與筆會故益得諧稱下情歡仰寶奉愈至世論
咸云江東無復鍾蹟常以歎息皆竝望中原廓清太邱
之碑可就摹採今論旨云真蹟雖少可得而推是猶有
存者不審可復幾字既無出見理冒願得工人摹填數
行脫蒙見賜寔爲過幸又逸少學鍾勢巧形密勝於自
運不審此例復有幾紙垂旨以黃庭像贊等諸文可更
有出給理自運之蹟今不復希請學鍾妙仰惟殊思又

啓

逸少自吳興以前諸書猶未稱此厥好迹皆是向會稽時永和十許年中者從失郡告靈不仕以後略不復自書皆使此一人世中不能別見其緩異呼爲末年書逸少亾後子敬年十七八全做此人書故遂成與之相似今聖旨標顯足使衆識頓悟於逸少無末年之譏阮研近聞有一人學研書遂不復可別臣比郭摹所得雖粗寫字形而無復其用筆跡勢不審前後諸卷一兩條謹密者可得在出裝之例復蒙垂給至年末間否此澤自茅山志

卷之三

五

天真以啓審非敢必覲

隱居進氏玄通記啓

某啓去十月將末忽有周氏事旣在齋禁無由卽得啓聞謹撰事蹟凡四卷如別上呈但某覆鄣疑網不早信悟追自咎悼分貽刻責淵文口具呈述伏願宥以闡脩謹啓

玄靜先生表奏

道士臣含光言今月十八日品官王遊仙宣口勅賜臣法衣六副又今日將軍高力士宣旨賜臣御製詩一首

縑二百疋并香鑪等臣雖在道流素無深識因遇聖代仍荷國恩霓裳羽服出自天府神筆睿藻頓集微躬臣之叨受寔踰涯分臣自嬰風疾十載有餘形衰力弱觸事俱廢惟願香鑪致福上荅聖躬終此餘生不敢有二無任恐懼之至

天寶六載九月二十五日

今月二十四日中使啖庭瑤及道士唐若倩資贖物并詞至山卽以二十五日與庭瑤若倩於華陽洞門燒香讀詞兼藏贖信至暮事畢臣又奉勅書錫號并賜法衣茅山志

卷之三

六

忽承聖旨進退惶懼臣以僉倖頻添國恩功微德薄寄情靡所不勝悚荷之至因投贖已了謹遣楊慎奢奉表陳述并謝以聞

天寶七載三月二十六日

臣含光言竊見紫陽觀東隱居先生舊合丹所忽生芝草八十一莖形狀瓌竒光采秀麗根憑松石氣鬱蘭茝斯實曠代希有當今罕見伏惟陛下推誠洞府展敬無虧睠言紫陽載興修葺是以神物繁植用表吉祥凡與知聞僉云聖德所感莫不喜悅臣不勝欣躍之至謹遣

楊慎奢先奉表以聞今圖寫芝形委曲詳辨事畢之日
別差使上聞

七載五月二十日

今月十八日中使啖庭瑤賫御詞并香至山臣卽以昨
十九日與庭瑤及同法劉行矩等請紫陽觀東大橫山
右燒香啓真密宣詞旨以今月依法採芝其芝草大小
八十一莖籠盛如列無任喜懼之至因庭瑤謹奏表以
聞

六月二十日

茅山志

卷之三

七

臣弟子唐若倩與前句容縣令李越成進芝并奏以今
日到伏承芝生藥院數表千莖丹化神鑪光踰九轉自
非聖德至重希代神物無由卒至謹按叅同契論此丹
云帝王永御千秋常存旣未聞於往日實有徵於聖代
不勝慶躍之至謹奉表陳賀以聞

十載八月二十七日

臣雖服膺道法而拙於理身久患風疾脚膝無力入秋
以來漸覺羸弊物性所習南北異宜伏望天恩許還本
土冀漸醫藥稍延視息無任區區之至

九月十日

昨十四日內侍袁思藝宣口勅以御製送臣歸廣陵詩一首見賜伏惟陛下虛已應物巨細無遺爰寄睿懷降茲神筆翰兼雲篆之妙詞發玉晨之音顧慚優渥捧對無倦臣行裝已辦卽日戒塗遠遠闕廷但深愧戀

十五日

季夏毒熱伏惟聖躬起居萬福去月八日中使啖庭瑤至山宣口勅以所賫縑二百疋并香三合令臣於茅山用施齋醮并賜臣衣兩副臣謹承聖旨於紫陽觀東鬱茅山志

卷之三

八

岡山右別立靜院剋取今月二十七日人定啓齋二十八日寅時爲正齋之始自此之後以漸遵行計至冬間法事乃畢務盡心力以求感通但臣無功每蒙賜及伏增戰慄今供擬已辦謹遺弟子唐若倩隨中使齊令詵奉表以聞

十一載六月十九日

晷度環周日長南至伏惟陛下膺納乾祐慶無不宜臣等今於茅山爲國焚修齋醮無任欣悅之至

十月二十五日

前所奏請紫陽觀東鬱岡山右奉修齋醮自六月二十
七日起首行道至今月七日冬至日初出時緣是齋人
及中使齊令誥等咸見齋壇四遠松樹悉有甘露其色
白其氣香其味甘其松去壇漸遠者而露亦漸少計今
凡降甘露松樹都有二百三十株謹按道德經稱天地
相合以降甘露人莫之令而自均焉玄聖著經以爲嘉
瑞齋醮遇此又爲吉祥敢不以聞謹奉表供進甘露二
合

孟春猶寒伏惟聖躬起居萬福去載十二月二十五日

茅山志

卷之三

九

中使啖庭瑤及臣弟子唐若倩等至伏奉恩勅勞問臣
蒙賜絹百疋行道道士賜絹二百疋又奉聖旨以本命
紫紋七十疋五方紋繒各二十疋銀五百兩令臣依河
圖內篇奉修齋謝并餘功德臣爰以去載十二月晦及
今載元正之日先於廣陵郡大唐廣業大龍興觀謹修
歲節吉齋以助履新之慶今又於茅山紫陽觀中詮舉
同法有戒行者共營齋具講習之儀務令合法然後施
用至夏齋畢隨事上聞但臣自顧非材謬參道法不以
庸淺頻荷國恩雖竭愚誠豈酬萬一無任悚懼之至

十三載正月二十五日

仲夏炎熱伏惟聖躬起居萬福臣先奉聖旨令於茅山修奉河圖齋謝頻屬霖雨遂闕施行至今月八日夜始就宿啓次九日十日夜依法正齋并伸禮獻次十二日江中投璧以望日設齋飯賢自始及終頗爲周悉但臣等學非師授材愧聰明雖謹按成規而所疑未洗不勝惶懼之至

五月二十五日

昨十日中使孟游仙賫勅至茅山修功德所仰感聖恩

茅山志

卷之三

伏增恐懼先於此山與諸道士能戒行者共遵香燈之務庶以助國扶教消災致福但臣等雖班法任愧乏感通區區之心不敢有二因孟游仙使回謹奉表上謝以聞

至德二載六月十二日

鮑慎辭進茅山元符觀頌

右臣所領邑居茅山之下元符觀實隸焉經榮之際得以職事自効於斤築之末因獲究見朝廷所以製作之本意臣愚不佞恭惟皇帝陛下天神天明經緯萬事文

德旣暢武功亦昭上自京師下逮海表勝不之子知趣
經術絃誦之音如昔鄒魯偏師西指闕國萬里名王貴
人俘獻兩觀治功巍巍曠代未有至於懷柔百神盡誠
備物靈貺昭荅臣庶頌歎維元符之建實紹先志不惑
於飛舉靈化之說無取於黃冶變幻之事清靜無爲深
達道妙載營恭館以格真馭尊異高行風厲四方歷選
列辟孰如今茲固宜仙聖睠懷蒙福無極瑞鶴翔集以
示民信聞之邑人父老華陽自崇寧以來慶雲醴泉紫
芝瑤草蓋多有之然可聞而不可見可見而不可致惟

茅山志

卷之三

七

是瑞鶴之應上薄九霄萬目所瞻不得而掩臣前與部
使者已具列上景命之符莫此驗白竊意羣公庶尹禮
官博士因符瑞之旣富刺六藝之可攷抗章而請有事
於太山梁父以繼七十二君之絕業以揚我祖宗之休
功則茲山之靈寔兆厥祥臣觀古帝王旣有殊尤特絕
之績必有非常能言之士鋪張本末比次律呂勒之金
石著在簡冊以光明於本朝臣游泳太平式目盛事而
喑未聞聲詩不可非其人故休缺乃擇日齋戒沐浴撰
成茅山元符觀頌一首詞義鄙淺無足簡錄而臣之區

區厥有攸在倘蒙萬機之暇俯賜乙覽雖以狂斐誅死
臣所榮幸所有元符觀頌一本謹隨狀上進干冒宸嚴
臣無任隕越兢慚跼踖俟命之至謹錄奏聞伏候勅旨

冲隱先生遺表碑

二通

臣淨之遺表上言皇帝陛下臣自違闕庭屢更晦朔仰
慕聖顏日深馳想本圖再出山林一瞻天表無何大數
有限志與願違辜負皇朝不勝痛恨然臣雖世緣淺薄
仙路殊途曷敢忘陛下終始眷遇之厚伏願陛下精固
邦本善保聖躬上以副皇穹寶曆之恩下以慰社稷生
茅山志

卷之三

三

靈之願臣無任瞻天望聖之至謹奉表以聞

政和三年七月二日茅山經籙二十六代守靜凝和法
師克任持元符萬室宮臣笄淨之上表

臣自惟至愚至昧伏自先師遭遇陛下以來興建宮詞
敷引教法而臣凡所請求實多鑒允本期盡草野之忱
以報萬一不期壇禮上天乃獲報應當須謝世去任之
理臣寔無憾但幽明有隔無緣時覲天顏及別中宮皇
子諸王不勝悵望之極陛下天聰聖哲遵道崇德自古
帝王未有過者然念帝王奉道乃與臣庶不同一言一

動上合天心則萬方蒙福幸毋以華麗蕩真以虧聖典
太上五千言以去奢去泰慈儉爲生乃陛下之師寶致
道之津梁也伏願陛下清心寡欲以保聖躬節財儉用
以固邦本聽納忠良以廣言路天下幸甚如臣下愚固
不當冒昧陳詞實念先師付托之重嘗令臣以盡忠報
國爲先當今之際不進一言以裨聖德則臣違天負師
抱恨霄壤矣臣傳宗法錄真經玉印及陛下前後所
書畫並已付本宮徒弟愈希隱收掌訖更願陛下重念
先師扶教宣道之心曲垂恩祐終始無替於宗門則臣
茅山志

卷之三

三

雖不獲瞻近天顏逝無憾矣操筆陳情伏增感愴臣淨
之再言

謝灑掃人戶表

道士臣勵俗等言伏奉五月十三日恩制紫陽觀取側
近百姓二百戶太平崇元兩觀各一百戶並蠲免租稅
差科長充修葺洒掃者實以光昭洞府永構玄門掃飭
開清靜之場施力增人戶之福伏惟開元天寶聖文神
武應道皇帝陛下廣崇道化克著真宗重闡徽猷彝倫
法要遂使靈山祠宇載葺頽茅許仙居咸蒙創迹臣

等愚昧濫在法流叨沐殊恩曲霑霈澤所以遠馳丹禁
跼踏天庭無任感荷喜忭之至謬躍龍門奉表陳謝以
聞
天寶七載八月十一日丹陽郡紫陽觀道士楊礪俗葛
冲虛太平觀道士徐元沼等上表

乞封五真人奏劄

臣輒瀝愚懇仰瀆宸嚴退省賤庸其伺朝典竊惟自古
得道昇真之士先後相承爲時宗仰皆以扶世立教爲
已任自三茅真君飛昇之後繼有楊郭二許衆真並於

茅山志

卷之三

十四

句曲精修上道天真降顧親受必語上清經教漸降人
間逮梁宋之際真風泮汨聖道不絕如帶惟陶隱居力
扶宗教以微言與旨發明道要爲天下後世之幸然而
三茅兄弟頃蒙朝庭褒崇册一聖位其餘衆真未聞有
以旌異臣愚欲望聖慈持以楊郭二許陶衆真並依三茅
真君例就今仙職加崇美號除別具諸位仙品奏聞外
如蒙俞允乞降睿旨下有司施行干冒天威取進止

宣和六年七月

日碧落郎疑神殿校籍同知右

街道錄院管轄江甯府玉晨觀臣丁安行劄子

乞封三茅真君奏劄

左街道錄洞微真應先生佑聖觀虛白齋高士主管教
門公事司徒師坦上表以臣三年祈禱感應微勞乞回
降恩命加封三茅真君

淳祐九年

茅山志

卷之三

十五

武仙童與朱觀妙書

抱一啓嘯傲昇平輕欺富貴扶踈丹桂難藏明月之光
峭絕青山莫滯白雲之跡言之不足道在其中名姓已
彰四海形神別隱三山歲月何定鉛汞何求如或因循
空成潦倒真珠圓而美之爲美絳雷凝而自然而然在
市孰非八山孰是水積成海氣積成神匪我相知少言

休語抱一貨藥而利名何有和光而道俗寔殊輕舉行
修長生道在多是逍遙於雲水未嘗暴露於天機知者
誰言行者自見聊舒懇悃以代笑譚一日三秋咫尺萬
里陽氣如烟荒郊似水更保冲和別休清問今因魚鴈
聊附寸心書到山前已申鶴望謹狀不宣

故交道士武丘上道者之右

二月二日

聖王搜羅物外人總來金闕見靈真餘余不願彰名姓
別得田元道可親我知已有好名傳世早須速別隱深

茅山志

卷之三

六

山他時異日相看去也日月嬋明

觀妙先生曩嘗解逅武先童後先生於仁廟時應詔
還山忽接仙童書殷勤誨諭意警先生韜光晦迹世
不耀名其真墨蹟政和四載八月間聖上道君皇帝
搜羅天下奇異之文遂爲本邑句容令黃學士唐傳
索取以進於戲斯本舊偶摹寫今命工刊於石庶永
其傳焉時政和八年歲在戊戌仲秋望日乾元觀在
特知觀道士楊守程題誌

華陽隱居授門弟子陸敬游十齋文

隱居先生遣總事弟子戴坦秉策執簡膝授前學弟子
吳郡陸敬游建連石之邑爲棲靜處士策文曰

咨爾敬游昔我紆緩帝闈侍笏梁席雖迹混教塗而心
標逸境芝田之想無忘曉夜濠潁之志歲月已深至德
有鄰風雲相會爾之來也爰移兩春於是褫帶青墀掛
冠朱闕携手東驅創居茲嶺脉潤通水徙石開基登崖
斲幹越壟負卉筋力盡於登築氣血疲乎趨走肌色憔悴
不以暴露爲苦心魂空慊益顧饑寒之弊棟宇旣立
載懼霜暑於時七稔經始甫訖今日之安爾有勤焉君

茅山志

卷之三

七

子不獨居其榮仁人必與物同泰是用邑爾長阿比阪
積金山連石之鄉方七十步澗水屬焉茂爾嘉業永爲
華陽上賓爾其蒞之

其一

爾以誠慤爲性恬澹爲情質

真居本沉重樹志不邀世才高謝接俗權謀詭誦非意
所欲今故賚爾爲棲靜處士可謂因德立號克終斯美

其二

爾基架館境營劃爰域堂壇宏敞樓路通嚴官私

行止並有棲憩繕築之勞莫匪爾力今故賚爾四雷飛

軒廂廊側屋可以安身靜臥顯祇遐福

其三

爾奉上惟

勤接下以惠稼穡艱難備嘗勞苦貨殖之宜允贍糧服

手足胼胝未獲告休櫛風沐雨於焉尤切今故資爾蒼
頭一人厥名多益可以傳代薪水省息劬劇其四爾族
惟舊緒身乃邦聞道雖一貫事望宜分今故資爾鋼鐵
如意可以揮對賓僚卽名立事其五爾崇教惟善法無
偏執器服表用爰寄玩習今故資爾節竹錫杖可以振
動三界精祇憚響其六爾期誠立契遐想靈風至懷所
詣因心則通今故資爾香爐一枚熏陸副之可以騰烟
紫閣昭感上司其七爾澡形潔藏肴糧既去宜蕪松朮
實資芳醕今故資爾杯盤一具可以夕搗桂漿朝承菊

茅山志

卷之三

六

露其八爾敬事經誥遵尚楷模翰墨之用於是乎在今
故資爾大硯一面紙筆副之可以臨文寫字對真爰言
其九爾貞心內固清行外彰滌蕩紛穢表裏雪霜今故
資爾鍤石澡灌手巾爲副可以登齋朝拜出入盥漱其
十今資爾十事事準前史可對揚嘉策循言求理無或
驕惰以騫斯旨援筆申懷敢告處士

陶真人請雨墨詞

華陽隱居陶弘景道士周子良竊尋下民之命粒食爲
本農工所資在於潤澤頃亢旱積句苗稼焦涸遠近嗷

噉瞻天雀息百姓祈請久無感降伏聞雨水之任有所
司存願哀憫黔首霈垂霑渥呵風召雲膚寸而合使洪
潦溢川水陸咸濟則白鵠之詠復興於今其伸至誠稽
顙詞請謹詞

天監十四年太歲乙未六月二十日詞請句曲華陽洞
天張理禁趙丞相

上隱居書

沈約

先生糠粃流俗超然獨遠列霓羽帶總轡雲霞方當名
書絳闕身游玄關憑星夕卧望日朝餐而至理深微曖
茅山志

卷之三

十九

謝隱居賚朮煎啓

庾肩吾

竊以綠葉抽條生於首峯之側紫花縹色出自鄭岩之
下山精見書華神在錄朮榮人謝盡採擷之難啓日移
申窮的瀝之劑故能競爽雲珠爭奇水玉百邪外禦六
府內充自非身疲掌硯役倦攀桃豈可立致還年坐生
羽翼臨沅丹井方覺可捐酈縣菊泉無勞復汲庶得遨
游海岸追涓子之塵馳鶩霍山共陳王爲侶遙俗輕施

尚曰難酬出世鴻恩宜知上報

又謝木蒸啓

味重金漿芳躄玉液足使芝慚明麗丹愧夫容坐致延
生伏深銘戴

理宗金籙投龍玉簡詞

維嘉熙元年歲次丁酉九月巳酉朔二十六日甲戌嗣
天子臣昀伏爲保延國祚恭祈嗣續敬齋香信祇建冲
科命道士二十二員於建康府元符萬寧宮啓建靈寶
道場一晝二夜滿散設醮三百六十分位告盟天地誕

茅山志

卷之三

二十

集嘉祥謹依舊式詣上清宗壇華陽洞天投送金龍玉
簡伏望至聖至真鑒茲丹悃乞爲騰奏上聞九天臣昀
伏以元儲虛位未開熊夢之祥邊閩分屯尚調虎符之
戍內欲隆於國本外思靖於兵氛仰惟祖宗積累之難
深切朝夕繼承之懼是用肆類上帝徧禱名山願垂覆
燾之仁宏賜扶持之力得男而應震索茂延百世之期
偃武而致太平坐底四方之治保基圖於鞏固措民物
於教盜祇迓靈休永依大造臣昀無任懇禱之至謹言

金籙齋詞

至大三年庚戌歲五月三日上清大洞經錄無上三洞
法師元景真人臣王道孟欽奉皇帝聖旨伏以有國有
家祇荷財成之造蓋高蓋厚敢忘祈謝之誠緘辭遠叩
於名山徼福永延於景運謹遣玄教嗣師總攝江淮荆
襄等處道教所事崇弘文道玄德真人吳全節恭奉香
幣詣三茅山元符萬室宮上清宗壇修建金籙寶齋三
晝夜滿散祇陳三界衆真清醮三百六十分位伏願覆
育無私鑒觀有赫天長地久三宮同康壽之祺雨順風
調四海樂雍熙之治

茅山志

卷之三

三

延祐元年甲寅歲五月二十六日臣王道孟欽奉皇帝
聖旨伏以惟天惟祖之垂祐有國有家之在躬修省彌
深報祈敢怠啓冲科於茅阜集景覲於蘿圖諒有欲以
必從信無遠而弗届是以謹封香幣遣玄教嗣師總攝
江淮荆襄等處道教崇文弘道玄德真人吳全節詣元
符萬寧宮上清宗壇命宗師王道孟集法師道士一壇
修建福國裕民金籙寶齋三晝夜滿散祇陳三界衆真
清醮三百六十分位伏願一人有慶萬福攸同兢業無
曠庶官臻旣醉鳧鷖之治怡愉以奉太后介未央長樂

祈天永命福國裕民伏望璇霄委監寶祚延長邦家開
太平之基三宮同度海寓樂雍熙之治萬國咸寧

天曆三年庚午歲正月九日太上弟子嗣上清高玄大
洞經籙四十五代宗師三天法師上景真人行九老仙
都君印職臣劉大彬欽奉皇帝聖旨伏以恭承明命克
紹丕圖欽若昊天荷皇天之簡眷敬哉有土異率土以
又寧爰闡冲科用徼洪貺謹奉香幣遣法師舒致祥請
三茅山元符萬寧宮上清宗壇修建金籙寶齋三晝夜
滿散祇陳三界衆真清醮三百六十分位伏願乾坤合

茅山志

卷之三

三

德日月齊明海晏河清開八荒之壽域時和歲稔得萬
國之懽心

遼王與陳德星書

遼王致書三茅宗壇領教陳真人法凡曩者朝天宮曾見未及聆誨常慕高風今特差孫行中等到山求請大洞經一部以爲恭奉聞知真人處所多有丹書借來一覽幸勿吝惜如別觀有者亦爲訪求單目另見別楮所有微物至可領之卽辰清和惟以道自重不備

永樂八年四月十六日

遼王致書華陽領教宗師德星陳先生法凡久踈仙範常慕真風近孫行中求得所請大洞等經甚副予崇奉

茅山志

卷之三

三

之意猶玉珮金璫經口訣并符未全副授豈以真文秘奧不欲易其傳乎茲夏專人赴山虔請并求丹經等希一付來幸勿靳惜今有少物相寄具在別楮用達遠誠至可領也卽辰向暖惟加保練以頤養高年餘不多及

永樂九年正月二十五日

夏初孫行中還自仙山得所付大洞經舊帙及諸品經卷鑿書之類勤恪備知得借三茅君聖像一觀甚副予瞻敬之意今摹一大幅赴山供奉春臘二會俾諸人

獲展敬庶昭予誠敬賫香至山尙期感格真誥今已刊
完就令賫送大洞等經書筆錄俱備舊本裝潢整飾一
一付還山中恐再有丹經鑿書等及知別處有者勿吝
見借他日奉還全璧當如今書也任道錄處画像專人
送納就爲作成蔣家本草付來爲佳秋序漸涼惟善加
保願以道自重不備

永樂九年八月二十五日

茅山志

卷之三

三

憲宗祭三茅真君文

維成化二十年歲次甲辰九月乙酉朔越二十六日庚
戌皇帝遣南京守備司禮監太監黃賜致祭於東嶽上
卿司命太元妙道冲虛聖祐真應真君定錄右禁至道
冲靜德祐妙應真君三官保命凝神冲慧仁祐神應真
君惟神清虛冲澹秉正存忠靈安三茅功施社稷朕自
卽位以來二十年矣四海奠安萬方寧謐惟賴神之靈

既以致於斯今特論祭神其不昧尚與鑒之
肅宗醮壇祝文

今秋八月十日屆朕初生之辰切念朕續述皇圖寅奉
祖宗之訓凜迎景貺永綏家國之基肆輯福於眇躬迺
篤承於丕眷仰高穹垂覆之恩荷后祇弘載之德祖本
道傳於太極親生功大於兩儀思申愀而上報洪慈惟
矢心而投誠大道謹涓本月八日之吉爲始特遣道錄
衛官賚捧香帛儀物趨詣三茅山恭叩道壇修建金籙
生辰報恩酬德叩玄祈福永壽齋醮一千二百分位至
茅山志

卷之三

三

初十日圓滿天鑒神歆降祥錫慶早悟太上之玄玄庶
副天心之眷眷密垂啓祐永此皇明
嘉靖二十五年

神宗爲聖母建金籙齋詞

恭惟聖母慈聖宣文明肅貞壽端獻恭憲皇太后金闕
下壽介頤期端迓長庚之朗照福偕瀛海益增南極之
光華毓德坤元誕祥宇宙萬曆四十二年乃逢明九之
歲預伸保祝之忱仰希玄聖之慈用衍匡扶之兆由是
特差司設監左少監林潮前齋誠愀恭往三茅山九天

司命三茅應化真君聖前取以十月初一日良吉爲始
特命本山乾元觀全真道士李教順等祇就殿庭啓建
金籙叩天請佑恭祝慈躬萬壽萬安長春永慶平康吉
祥好事九晝夜至初九日圓滿修設普天大醮三千六
百分伏願上帝歆誠真君監佑壽齡永固隆聖算於地
久天長疆宇清夷迓純嘏於日新月盛粹體康寧允若
三山之安鎮玉眸華彩宛同皓月之精瑩徽隆宴享於
皇宮玉食奠安於金闕司命垂貺預蠲明九之迺遭應
化通靈茂衍萬年之吉慶八方歡頌四海忻瞻宮壺綏

茅山志

卷之三

七

益遐邇靜謐

萬曆四十一年四月

日

神宗金籙齋詞

切念渺躬尊居宸極治理鴻基欲祈天下之太平須仗
靈威之默庇恭希玄造俯賜遐觀由是特命御馬監左
監丞沈恭齋宸悃前往三茅山乾元觀特命全真李
教順等取以吉良爲始啓建金籙叩神請佑天下太平
風調雨順消災吉祥好事三晝夜圓滿設陳三界萬靈
衆真清醮三百六十分位伏願諸真洞鑒萬聖儲祥雨

順風調躋八荒於壽域民安物阜隆五位於劫年同歌
有道之風共樂雍熙之化四方鎮靜干戈永息於邊夷
朝宇奠安禮樂維新於華夏陰陽順序五穀豐登宮壺
肅清國家安泰凡踰歲月悉荷帡幪

神宗爲伏魔大帝建醮詞

切念朕躬奉天御世尊爲億兆之君法祖保邦位稱神
人之主精勤圖治默賴神庇凡有護國之靈悉證尊崇
之祀恭惟闕聖帝君生前忠義振萬古之綱常身後威
靈保歷朝之泰運除邪輔正聖德神功保劫康民福幽

茅山志

卷之三

三

利顯旣贊乾元之化宜崇帝號之封所傳三界伏魔大
帝闕聖經懺足以師世淑人安供名山福地以垂久遠
用是朕發誠心頒賜帑金印造伏魔經懺特命全真道
士周玄真等齋請前去彼處供安鎮靜方隅肅清中外
闕聖帝君以今萬曆四十二年八月十五日位證南方
丹天三界伏魔大帝之位天人共慶三界推尊茲建醮
典三日安供聖經慶賀聖帝自今伊始永安帝位不在
將班鑒觀萬天巡遊三界悉清人鬼之妖全消未萌之
患方方闡教處處開壇永昭定亂之神功安享帝君之

尊奉其道壇朗靈上將三界馘魔元帥以宋忠臣鄂王
岳飛代其釋教伽藍崇宣護國真君以唐忠臣鄂公尉
遲恭代默護國家永垂之佑是取特命全真道衆祇就
三清大殿立壇啓祈天慶賀聖帝安經禮懺祝國康民
消災衍慶普福迎祥清吉好事三晝夜藉此經懺之功
祈釋民物之厄清時豐歲佑國宣邦伏願位鎮丹天暗
助皇圖之景運威加海內殄除庶域之妖氛仰希保泰
於黎元謹允推尊於帝號庶使萬靈振伏三界肅清朝
野莫安海宇樂昇平之化遠方鎮靜四裔無干擾之虞

茅山志

卷之三

三

海寓莫安宮闡宣靜凡於歲月悉荷神庥

神宗三辛懺醮詞

言念渺躬膺符紹統法祖敬天恒懷警惕於云爲每注
清修於善念恭聞九天玉樞寶經云三辛逢初六察人
善惡情消災并度厄稱名誦寶經欽惟九天應元雷聲
普化天尊爲羣生父爲萬靈師鑒觀萬天浮遊三界三
十六雷之號今同祖氣以發生千百劫之貞元並天罡
而統禦糾察善惡予奪災祥人若稱名悉應其感茲者
萬曆四十二年五月初六日辛亥六月初六日辛巳七

月初六日辛亥乃三辛逢初六之辰謹遵經典皈命投誠報謝雷尊懺陳愆過祈消劫運之迤邐孔佑邦家之泰定旋生壽福默祚渺躬由是預取四月初八日良吉開經爲始特命全真道士李教順等祇就三茅山乾元觀三清大殿每日炳燭焚香虔誠諷誦高上玉皇本行集經一藏九天應元雷聲普化天尊玉樞寶經一藏太上洞玄靈寶昇玄消災護命妙經一藏靈寶天尊說禳災度厄真經一藏太上老君說常清靜經一藏梓潼帝君救劫寶章一藏太上三元賜福赦罪解厄消災延生

茅山志

卷之三

三

保命妙經一藏太上玄靈北斗本命延生真經一藏太上說南斗六司延壽度人妙經一藏太上泰清天童護命妙經一藏每日拜禮九天玉樞寶懺北斗延生法懺關讚九天消災神燈北斗九皇星燈仍取本日啓建金籙荅報雷尊祈恩請佑慶賀三辛懺愆謝過解厄消災保劫昌運增延聖壽福國庇民關經吉祥好事至七月十五日中元地官赦罪之辰圓滿仰祈經佑保泰邦家伏願神霄洞鑒雷祖忻誠默運玄機轄大地人民之休咎潛施神化總乾坤萬類之權衡有感必通無遠弗届

適邁三辛於初六日皈依一念於九天恭祈海宴河清
共樂雍熙之化時和歲稔同躋仁壽之鄉中外綏寧宮
闈鎮靜經力有感福蔭無邊

萬曆四十三年 月 日

李撫軍祈雨告文

維大明成化二十一年歲次乙巳十月朔日欽差巡撫
南直隸都察院右副都御史李嗣謹具香燭果酒之儀
遣句容縣知縣李澄敢告於大茅峯之神曰邑有各山
能興雲致雨以福邑之民故祀典有常民心無斃也惟

茅山志

卷之三

三

茲句容大邑自今年五月以來雨澤不降井泉枯涸田
禾旱傷民有菜色何以卒歲是雖牧民者政令有乖以
致神之不恤吾民也嗣以菲材叨承聖天子之命來撫
是邦郵車一臨塵埃拂面民咸告旱良切於懷不遑寧
處齋沐三日遣官屬告神神其聽之達於上帝大施霖
雨以沃田野俾斯民可耕可歛來年麥秋有望嗣等拜
神之休下民感神之賜矣謹告尚饗

於朝山亭祭告畢
是夜連降甘雨七

日
謝雨祭文

維大明成化二十一年歲次乙巳十月戊寅朔越二十

二日巳亥欽差巡撫南直隸都察院右副都御史李嗣
遣句容縣縣丞安慶特具牲醴時果之儀致祭於大茅
峯之神曰一方亢陽不雨數月萬民告旱齋沐三日遣
官告神神果轉達上蒼油然作雲沛然下雨田土沃潤
犁鋤乃興麥種旣布民心乃安神之賜也豈敢忘乎謹
遣官屬謝祭神其鑒之

祭式

洪武初額設二祭於茅山每歲驚蟄於元符宮廣濟
龍王祠五月五日於句曲山神祠以祈歲豐皆命有

茅山志

卷之三

三

司親詣行事

祭品

祝板 帛 羊 豕 栗 棗 黍 稷

稻 梁 鱖魚 形 脯醢 芹俎

韭俎 酒

祭儀

前四拜 詣香案前 上香 三獻酒

讀祝 再四拜 焚香

祭服

龍神朝服 山神常服

祝文

維大 某年月日句容縣某官敢昭告於

廣濟龍王之神曰惟

神托迹茅山揚靈江海興雲致雨澤及生民年穀
豐穰惟

神之賜報功崇德弗忝褒封維茲驚蟄謹遵

國典用伸告祭冀溥

神休尚饗

維大 某年月日句容縣某官敢昭告於

句曲山之神曰巍巍茅山金陵巨鎮興雲致雨功及
生民年穀順成惟

茅山志

卷之三

三

神之貺維茲午節恭承

懿典謹以牲醴用伸告祭尚饗

國醮儀注

法服十有二名

唱念二十二名

知磬四

訶懺一

表白四

清道一

宣讀二

五儀二

引揖二

手鼎二

知鐘

知鼓一

侍職二

內壇奏樂一十五名

雲鑼一

笙四

管二

笛一

札二

板二

鼓二

外壇奏樂數同

直壇八名

司壇二

守燈二

守香二

侍巾一

侍盥一

誦經五名

書寫十名

任持提舉房長并管事十有二名

天聖皇太后受上清籙記

皇宋應運之四葉聖君在宥之三年聖母皇太后劉氏
九靈分粹三元毓神流光開泰之期握符聖明之化內
茅山志

卷之三

三

以肅雍九族外以緝熙庶政萬機之暇宅心虛無之表
凝神太漠之鄉金妃拂筵於琳碧之堂玉華散馨於虛
白之室而又澄神澹思誦黃庭二景經志意內修晨夕
忘倦豈獨拘魂制魄上符高聖之言蓋亦務本還淳下
蔭普天之衆於以觀三素思九真揖儀璘玩璫珮南真
依稀而密盼西母彷彿以宴觀胖蟹之應繼日而昭積
累之功卜年而進信乎仙可學而道不虛行矣仍念研
精尚鮮未臻道源聞南岳紫虛元君魏夫人昔以東晉
興寧甲子歲先農日以小有天王清虛真人所授上清

大洞寶文下教於茅山東華真人楊君洎上清仙侯許長史迄後靈源真系接武華陽道葉仙枝流芳寰海繇是乃詔玉清昭應宮冲妙大師皇甫希及尋贖王魏之文研楊許之迹得上清三品神經玉清隱書九清衆秘與金神二虎八景玉籙上皇玉諱元始譜籙流金火鈴廻車畢道三元玉檢九鳳靈章紫文白帶太微黃書璫宮靈飛等籙凡一十卷金仙玉馬等一十五券依科備辦金龍玉魚金羊銀鴈青絲金紐雲錦鳳文碧霞拂塵之羅絳章落尸之帛四規明鏡景震靈劔五色綵繒上

茅山志

卷之三

三五

上清法服盟文禮物莫不周悉先遣中使賚密詞詣南岳致告於紫虛元君默允冥旨續命入內內侍省西頭供奉官臣康從政入內內侍省内侍殿頭勾當御藥院臣江德用并詔右街副道錄知玉清昭應宮事同管勾左右街教門公事冲真大師賜紫臣李知損左街都監壽益觀住持明真大師臣石知章玉清昭應宮副直歲宣教大師賜紫臣周遂良玉清昭應宮住持冲妙大師賜紫臣皇甫希及玉清昭應宮住持冲秘大師賜紫臣薛清

和等同賚青詞黃青一行禮信就江甯府茅山崇禧觀
開建上清黃壇預啓玉籙道場七晝夜散日設醮三百
六十分位科傳度訖別設謝恩道場三晝夜設闔山
道士女冠大齋一中投送金龍玉簡金環玉魚於華陽
洞燕洞金山水府於以告盟七聖於以致誠九清伸授
受之儀罄師資之禮始以輜軒至日靈鶴低迎於羽葆
當建齋之夕喬雲遠布於層霄宿露真文以祈感預陳
精禱以伸欵蘭膏晃爾璧月粲然百神受釐以効祥五
岳衛靈而薦祉中夜靈風颯至嘉雨沛然須臾之頃銀

茅山志

卷之三

三

漢森列星斗爛如咸云風伯掃壇雨師洒席觀其所以
不亦宜乎及啓傳之旦九霞流光之輝熠爍而凝照三
素飛烟之氣縹緲以浮空颯歛萃焉霓旌煥焉羽儀侏
焉萬靈肅然當分金列契之際皓鶴復翔於壇上絳霞
紛繞於山中蕙風襲人靈芬郁野矧夫衆妙多門而學
則有序至神無方而感則無待斯以見我后用心之精
誠也符健順服人神降靈仙契冥奧非浩劫累崇之德
積生致尚之果其孰能臻於此焉是知令乎善始則美
克有終謀之以道何患不臧若然者八景飛霞之輦三

元流雲之宴九色鳳腦之饌十精徊水之漿靡日而致之矣恭惟聖念奉若秘文蓋欲昭事昊穹保寧真主固宗祔於億載福民庶之三登永戢干戈同承富壽者也至於後天之筭無疆之祚金枝之遠蒼生之賜不其宜哉觀一代之能事考百王之未書用敢直筆以記之云耳時天聖三年甲子歲四月戊午朔二十三日庚辰謹記

臨壇保舉上清大洞法師臣張紹英

臨壇監度上清大洞法師茅山道正真寂大師臣蔣

茅山志

卷之三

七

元吉

臨壇度師上清大洞宗師賜紫臣朱自英

嘉定皇后受籙記

皇帝妙毓至神纂承大統薄海內外晏然無事皇后道合坤寧光齊日耀彌綸帝德輔贊化原而內助餘閒貴道清靜宅心虛白乃嘉定庚午午節命左街監義臣上官德欽緘封寶熏肅將中旨用章獻明肅皇后故事至華陽洞天上清宗壇傳受大洞畢法寶籙金龍玉璧質信禮儀罔不畢備上清經籙宗師臣薛汝積實臨壇度

師臣汝積恭承教令潔已齋心馳誠南岳結想上靈建
置玉籙道場羅天大醮廣修齋設延供羽衣是夕玉繩
金波昭回璇漢祥飈瑞靄紛郁宮庭翼日笙鶴翱翔飛
舞呈瑞靈芝異草迭產於林垆間四方來觀莫不敬嘆
猗歎盛哉臣先覺曩以微賤遇孝宗皇帝蒙恩放還山
林與臣汝積從游目擊盛事欣喜踴躍竊考經籙之自
來求流傳之所在巍巍至妙蕩蕩難名誠求道之津梁
登真之道路至於光顯流行囑付帝后俾承天而行與
道合真則我朝之盛又非前代所及也氣結九天自然

茅山志

卷之三

三

成文火煉太空皇人按筆此寶籙所由始也太平下教
小有天王紫虛元君流播人間此寶籙所由傳也元君
初降旬曲命楊羲以隸古定其文傳上清仙翁許謫寶
笈琅函鳳羅金紐割歎有儀盟誓甚重得之者必名書
金簡身在丹臺苟非其人不在此族歷代帝后佩服崇
尚用以延洪祚用以益永年發祥隕祉如鼓應桴然足
以知其教不足以見其盛也自元君二十二傳觀妙先
生朱自英是爲章獻明肅皇后臨壇之師兩傳而至冲
和先生劉混康時在宣和徽宗皇帝命先生總括三洞

四輔爲盟傳之師仍賜白玉印以續宗壇之系九傳而至臣汝積又復恭遇聖后下屈崇尊增賁經籙其道益以光顯其事益以流衍聖子神孫奕葉相承不忘道化用躋世於仁壽此千載一遇萬世之下不可尚矣天降其祥地不愛寶未足見皇天之所以眷顧我聖后者億萬斯年與帝並尊爲天下母此降精三境流光十極付囑於我聖后者其在茲乎恭惟皇后殿下聰明天稟慈慧日隆百神敷祐瑞氣騰空國家寶曆過期流芳億兆之祥也臣不敢自默敬爲之記姑錄始末不敢爲文嘉

茅山志

卷之三

三

定三年庚午歲五月十有六日

右街道錄凝神齋高士臣劉先覺拜首稽首恭記

臨壇保舉師太上靈寶無上洞玄法師元符萬靈宮

知宮冲妙大師臣任元阜

監度師

臨壇度師茅山經籙三十四代嗣教宗師上清三洞

法師管轄元符萬靈宮明一大師賜紫臣薛汝積

承議郎知建康府句容縣事兼管內勸農營田公事

臣朱拱臣建弁書

宋賜東天寧院焚修贍道田土三千餘畝坐落鎮江府
丹陽縣石城鄉八都八閭塘閭埠東至耳陵西至武巷
南至越塘北至蔡巷先宗師經業元季湮沒者多自
靈官開設始清查前田因民首出見田七百三十餘
畝入冊立寄庄王一初爲戶遞年輪派道士經受止
收田租每畝二熟豆麥各一斗辨納重科馬草十畝
三包成化間每畝勸米一升前租應辨糧草本宮焚
修供應上司今悉照民糧審編驛傳等差數以租薄
差繁無由申辨又 賜西天寧院田土坐落本縣崇

茅山志

卷之三

四

德福祚茅山上容等鄉地方官民田地山塘蘆蕩草
場共三千餘畝亦多迷失自先至今輪管收租辨納
糧草及焚修贍道編入驛傳成化十九年靈官湯與
慶奏免雜泛差徭帖免執照於嘉靖十六年巡撫歐
陽書冊內開元符崇禧靈谷三處民田止徵平米二
升與民不同卽今遵守

部劄開設靈官鄧自名衙門文

道錄司承奉禮部劄付爲開設僧道衙門事洪武十

六年六月初八日

欽選到茅山元符宮道士鄧自名除授華陽洞靈官給
降印信前去開設衙門管領祖傳印劔掌行符籙去
訖續選到崇禧宮道士王允恭除授華陽洞副靈官
如遇到任一同署事去後今將各項事理開坐前去
仰轉行華陽洞及句容縣道紀司一體遵守施行奉
此除已行下句容縣道會司照驗外合行故牒可照

茅山志

卷之三

聖

驗依奉

禮部劄付內事理遵守施行須至故牒者

一華陽洞靈官正六品

一副靈官從六品

一靈官鄧自名掌印并管領祖傳印劔掌行符籙

一副靈官王允恭一同署事

一凡有一應事務預申稟者由道錄司轉達本部
其本處道紀司不許干預

一凡有行移牒呈道錄司故牒回報故牒道紀司
牒呈回報帖下道會司呈報

一元符崇禧等宮道士有不守清規者聽從究治
但犯奸盜詐僞與軍民相鬪者並屬有司追問
其宮觀俱屬本洞管領如舊

右 故 牒

華 陽 洞

洪武十六年七月二十七日 開復僧道衙門事

牒 押

元符宮傳 諸寶

九老仙都君玉印一顆 宣和御賜玉靶劔一口

合明天帝日勅玉符一道 御賜宗壇玉圭一笏

呵硯一座 上清大洞秘錄十二卷軸

上清大洞券策簡詞十二卷軸 遼王詩簡一卷

攷玉印劔原封內庫洪武十二年五月十六日至七

月望不雨十一 省府奉 上命賚香至山俾宗師

秦真隱同法師陳清淵錢虛白徐右初等於十八日

同赴鍾山七佛菴建壇祈禱有感二十一日早謝恩

茅山志

卷之三

聖

欽給原收本山印劔賜表裏銀兩還山鎮守

靜一劉真人道門傳派

混靖希景 守汝玄志 宗道大天 得性自尊

克崇祖德 光紹真應 師寶友詞 永仁世昌

公存以敬 有子必承 能思繼本 端供一成

嘉靖己丑孟秋靈官戴紹資立石元符宮宗師祠

雜錄

明成祖凡五遣官塗簡於大茅峯及元符宮永樂十六年嘉平三日駕幸三茅

憲宗成化二十年遣內臣黃賜致祭三茅君兼畫山圖御覽

英宗正統十二年頒賜道經一藏於元符宮建藏殿貯之肅宗嘉靖二十四年發御藥三櫃計七千袋給三茅山施

散二十五年欽差錦衣衛千戶萬文明道錄司左演

茅山志

卷之三

四

法王弘賓齋香帛齋供銀二百兩來山建醮然醮壇儀式甚侈差官及各上司供應甚繁邑侯徐九思申請溧陽溧水等協助於山設十五局立東西石石前後六門以稽出入其計用銀一千六百二十七兩

欽賜崇禧萬壽宮焚修田畝奏疏

江南總督 臣馬 巡視下江按 臣王 謹

題為恭報查明賜撥官田請

旨變價以充 國用事據常鎮道陳祥稱奉 臣批金壇

縣民王養吾狀詞查看得茅山崇禧宮原有欽田
六千七百三十三畝三分九厘四毫以供香火白
唐迄明歷朝已久乃細戶朱煦等因世變之更移
傾黃冠之流散遂以香火之租飽其私腹故道士
辭得璿具控

茅山志 卷之三 四六

江院委金壇知縣胡逐一丈勘查明上納價銀一
萬六千一百六十兩一錢四分二三四五年分應追
租米三千七百一十六石八斗輸之於官以充軍
國之用則朱煦王養吾所告詞邊為掩飾之舉且該
縣躬量兩造對質似無遁情等因到 臣復駁批該
道再三虛公細訊斯無枉縱續據該 道詳據鎮
江府知府趙申蒙提審原被各犯俛首輸服等因
到道該 道覆看得茅山崇禧宮田六千三百餘
畝賜自唐朝以本田應納錢糧七分為

朝廷之用三分供香火之費田載于冊皆曰官田則爲
官田不待言矣近江院因道士薛得璿首呈據
以清查上價追租以充國用王養吾等求爲減
價故瀆憲聽及庭訊時亦無他說倘以兵荒之
後得微寬典諒爲減稍是在憲裁定奪等因據此
案查先爲清查賜撥田畝爲准下江按臣盛
手本內開崇禧宮道士薛得璿具告陳景昌等附
紳挾霸侵占祀田等因據行金壇縣查覆崇禧宮
原有賜撥田畝陳景昌朱煦等原係細戶及明末

據爲已物今清查內上等田三千三百六十六畝
六分九厘七毫定時價銀三兩每年租米三斗中
等田二千二十畝一厘八毫二絲每畝時價二兩
每年租米二斗不等田乙千三百四十六畝六分
七厘八毫八絲每畝時價一兩五錢每年租米一
斗五升以上共變價銀一萬六千一百六十兩一
錢四分五厘六毫每租一石納銀一兩五錢二年
分免七徵二三四五年分全徵共該征銀五千五百
七十五兩二錢五分二厘二絲二忽造冊報

院移會到臣今據等因該臣看得崇禧宮田六千七百三十三畝有奇原係官田自唐歷明皆以此田錢糧七分輸官三分優給道士以供香火雖歷代更遷沿稱賜撥如陳景昌等不過佃種之人乘道士消條又值

國朝興始也逋其租息既而漸肆侵吞王養吾等又復起而爭之臣再加駁審力爲清查道府推敲確係公產而臣下江按臣盛又因道士薛得璿之控行縣丈勘酌定上中下三則估該佃價銀一萬

茅山志

卷之三

四八

六千一百六十兩一錢四分五厘六絲六毫應歸之公家兩造具服其爲有無疑矣仍還

國用則羣奸之覬覦紛爭俱可杜絕不然私相貿易終盡折入奸人之手耳又查道詳二三四五年分該租三千七百一十六石八斗零而縣報租米每石折銀一兩五錢該銀五千五百七十五兩二錢零

臣思當

改革之際正賦尚且逋欠不完如田既歸

公家追其已徃之租課若按年查追徒資敲朴恐不

易完也 道詳代求減價不若免追已往租課之
爲便也

洪恩出自

聖裁非臣所敢擬著臣謹會同 下江按臣王

題伏乞

勅下該部查核施行六月二十八日 縣報租米

題 七月十八日奉

聖旨 戶部知道

戶部

茅山志

卷之三

四十九

題爲恭報查明賜撥官田請

旨變價以充 國用事江南司案呈奉本部送戶科抄

出總督江南馬 題前事等因奉

聖旨戶部知道欽此欽遵抄出到部奉此相應議覆案
呈到部該臣等看得茅山崇禛宮地六千三百餘
畝賜自唐朝歷來已久地內錢糧七分納官三分
供奉香火我

國朝定鼎於宮觀賜田皆不入官崇禛宮地仍應一例
免其變價追租仍令該宮道士承種每歲留地內

應納錢糧三分以爲焚修之資奸徒不得妄起爭
端者也既經該司案呈前來相應具

覆恭候

命下臣部轉行遵奉施行

七月二十七日

題本日

命下奉

聖旨·是

茅山志

卷三

五